

Ib tug cwj rau kev kawm tau ntawv: Cov kev cia siab thiab koj tus me nyuam txoj kev kawm ntawv

(A Tool for Success: High Expectations and Your Child's Education - Hmong translation)

Hawm txog tsoom niam tsoom txiv,

Thaum hais txog kev kawm ntawv, kuj yuav paub tsis zoo tias qhov twg yuav yog qhov zoo rau koj tus me nyuam. Tam li leej niam leej txi, tej zaum koj yuav muaj ntau qho kev txhawj txog koj tus me nyuam lub tsev kawm ntawv. Qhov tseem ceeb yog yuav tau pab koj tus me nyuam txoj kev hloov nyob hauv tsev mus rau hauv tsev kawm ntawv uas yog muaj txoj kev cia siab kom kawm tau ntawv zoo thiab loj hlob mus raws hnub nyoog.

Koj muaj cuab kav siv tau cov lus hais nyob hauv daim ntawv qhia tawm no los kawm kom paub koj tus me nyuam lub tsev kawm ntawv thiab muab kev txhawb nqa nws txoj kev kawm. Daim ntawv no kuj tseem muaj cov lus nug koj muab tau coj los xav koj tus kheej los yog nrog koj tsev neeg xav seb yuav siv tau li cas. Koj tseem nug tau koj tus me nyuam seb nws ho xav li cas. Tom qab ntawd, npaj los tham tag nrho los yog qee cov lus nug nrog cov ua hauj lwm hauv tsev kawm ntawv xws li koj tus me nyuam tus kws qhia ntawv, tus thawj tswj tsev kawm ntawv, tus pab tib neeg, los yog lwm tus. Sim nrog lwm tus niam txiv uas muaj me nyuam mus kawm tib lub tsev kawm ntawv tham thiab. **Daim ntawv qhia tawm no muaj cov lus nug los nug nyob hauv cov ntsiab lus hais mus no:**

- Kev kaj siab thiab noj qab haus huv
- Txoj kev kawm ntawv zoo
- Cov ncauj lus hais txog kev ncaj ncees thiab kev kawm sib txig – cov kev cia siab rau txhua tus kawm ntawv
- Kev npaj kom cov me nyuam kawm tau ntawv
- Cov kws qhia ntawv txoj kev txawj thiab paub qhia

Kev kaj siab thiab noj qab haus huv

- Kuv tus me nyuam puas kaj siab thiab puas muaj tus saib xyuas nyob hauv lub tsev kawm ntawv no?
- Muaj cov kev pab dab tsi los pab kom kuv tus me nyuam kaj siab?
- Puas muaj kev tshuaj xyuas mob nkeeg, xws li hnob lus, pom kev, nyob hauv lub tsev kawm ntawv no rau cov kawm ntawv?
- Tsev kawm ntawv puas npaj tau qhov chaw kaj siab thiab zoo rau txhua tus me nyuam? Qhov tsev kawm ntawv tau ua los rau sawv daws pom yog dab tsi?
- Tsev kawm ntawv puas muaj cov cai los txwv txoj kev sib thab?
- Tsev kawm ntawv puas muab lub sij hawm txaus rau cov kawm ntawv los qoj cev thiab ua si?
- Tsev kawm ntawv puas muaj zaub mov noj? Cov zaub mov ntawd puas yog cov ntxim noj thiab huv?

Kev kawm ntawv zoo

- Kuv tus me nyuam puas tau txais kev kawm ntawv zoo? Tsev kawm ntawv puas xav kom cov me nyuam kawm tau ntawv zoo? Niam txiv txoj kev cia siab rau lawv tus me nyuam yog dab tsi?
- Tsev kawm ntawv thiab niam txiv puas muaj kev sib raug zoo thiab puas sib koom tes?
- Kuv tus me nyuam tus kws qhia ntawv puas yuav qhia ntawv rau kuv tus me nyuam raws caij raws nyoog? Tus kws qhia ntawv thiab tsev kawm ntawv yuav siv cov hau kev twg los qhia txog kuv tus me

nyuam txoj kev kawm los yog tsev kawm ntawv txoj kev qhia ntawv li cas? Lawv puas yuav ntsib kuv, sau ntawv rau kuv los yog siv internet los hais cov lus kuv to taub rau kuv ne?

- Tsev kawm ntawv yuav muab txoj kev txhawb thiab cov lus zoo li cas los pab kuv tus me nyuam nyob hauv tsev kawm ntawv? Puas muaj txhua hnuv, txhua hli, txhua 4 lub hli los yog thaum muaj ib qho dab tsi tseem ceeb xwb?
- Yog kuv tus me nyuam kawm poob qab, tus kws qhia ntawv yuav ua li cas? Tus kws qhia ntawv thiab kuv wb puas kam koom tes ua ke los pab kuv tus me nyuam?
- Cov ntawv kawm ntawd puas raug raws li caj ces thiab raug raws li qhov lawv kawm tau?

Yog koj muaj ib tug me nyuam hlob lawm, nov yog cov lus nug koj yuav tau xav txog?

- Cov ntawv tus me nyuam kawm tam sim no puas yog cov yuav npaj tau kuv tus me nyuam mus rau lub neej tom ntej?
- Cov ntawv nws kawm no puas npaj tau nws mus kawm rau qib siab, kawm mus ntxiv, los yog lwm hom kev kawm ntxiv xws li tsev kawm xyaum ua hauj lwm thiab ua dej num?

Qhov tseem ceeb ntawm txoj kev ncaj ncees thiab qhov tau sib luag zos – kev cia siab rau txhua tus

- Kuv tus me nyuam puas yuav muaj tsam thawj kawm tau ntawv zoo mus?
- Kev tau txoj kev kawm sib luag zos ho zoo li cas nyob hauv lub tsev kawm ntawv no?
- Tsev kawm ntawv yuav xyuas meej tias tsev kawm ntawv yuav saib xyuas kuv tus me nyuam kom naj ncees li cas? Qhov tsev kawm ntawv ua los saib kev ncaj ncees yog dab tsi tiag?
- Tsev kawm ntawv yuav xyuas meej tau li cas tias tsev kawm ntawv yuav saib xyuas kev ncaj ncees rau txhua tus me nyuam li cas? Piv xam li, cov raug rho tawm mus hnuv puav los yog rho tawm tsis pub kawm ntawv ntxiv ntawm cov me nyuam muaj caj ces, muaj qhov tsis taus, los yog cov tub los cov ntxhais ne ho muaj ntau npaum li cas?
- Cov chav kawm puas muaj rau coob tus kawm ntawv txawj sib txawv nrog rau cov tseem kawm ntawv as kiv thiab cov tau kev kawm ntawv tshwj xeeb? Puas muaj txoj kev tau mus kawm cov chav kawm ceev, cov kev kawm rau cov me nyuam kawm tau sai, kawm science, kawm suab paj nruag, kawm kos duab thiab, lwm cov kev kawm ntxiv?
- Tsev kawm ntawv puas muaj kev pab nyiaj yog hais tias tsev neeg twg txom nyem tsis muaj nyiaj los pab rau tus me nyuam mus kawm cov kev kawm los yog cov kev kawm ntxiv?

Npaj rau txoj kev kawm tau ntawv

- Tsev kawm ntawv yuav ntsuas kuv tus me nyuam cov kev kawm xws li cov chav kawm nyeem ntawv, zauv, science, thiab kos duab nyob hauv lub tsev kawm ntawv no li cas?
- Tsev kawm ntawv yuav siv cov kev txheeb xyuas los yog cov ntawv twv coj los rau kuv tus me nyuam twv xyoo no? Thaum twg mam li twv cov ntawv no?
- Yog kuv tus me nyuam tsis tau twv ib qho ntawv twg, qhov yuav cia rau nws twv ntawd ho dab tsi?
- Yuav siv sij hawm ntev li cas los npaj twv xeev cov ntawv twv no ntau npaum li cas?
- Puas muaj dab tsi kuv ua niam ua txiv yuav ua tau los npaj kuv tus me nyuam twv cov ntawv ntawd?

Kev paub thiab qhia tau ntawv zoo ntawm cov kws qhia ntawv

- Cov kws qhia ntawv puas muaj caij los tham thiab sib qhia tswv yim nrog lwm tus kws qhia ntawv?
- Qhov tseem ceeb thiab kev ntseeg tau ntawm kuv tus me nyuam tus kws qhia ntawv txog tus me nyuam txoj kev kawm, kev twv ntawv, thiab kev txuas lus nrog tsev neeg yog dab tsi? Qhov tsev kawm ntawv saib tias tseem ceeb thiab ntseeg tau yog dab tsi?
- Tsev kawm ntawv muaj txoj kev kawm kom paub ntxiv li cas rau cov kws qhia ntawv?
- Txoj kev kawm kom paub ntxiv no puas dhlos qhov qhia nyob hauv tsev kawm ntawv?

- Tsev kawm ntawv puas tau caw pej xeem hauv zej zog mus qhia lawv lub zej zog rau cov kws qhia ntawv thiab cov thawj tswj tsev kawm ntawv?

Niam txiv txoj kev txhawb nqa yog ib qho tseem ceeb tshaj plaws rau koj tus me nyuam txoj kev kawm tau ntawv nyob hauv tsev, hauv tsev kawm ntawv, thiab nyob hauv zej zog. Paub cov xov hais txog ntau qhov chaw koj tus me nyuam nyob txhua hnuv muaj cuab kav pab tau koj txhawb tau koj tus me nyuam txoj kev kawm ntawv.

Cov ntawv qhia pab

Niam txiv txoj kev cia siab: Koj thiab koj tus me nyuam kawm ntawv nyob hauv theem pib. PACER Center 2017.

Koom hauv PACER Center txoj kev txhawb niam txiv txoj kev txhawb nqa kev kawm ntawv thov ua tsaug rau cov muab kev sab laj thiab cov niam cov txiv uas tuaj koom cov kev cob qhia thiab tham qhia nyob hauv xyoo 2018-2019 los pab npaj cov lus nug rau txoj kev tshawb xyuas zaum no.